



Aningaasaqarnermut Nunamullu Namminermut
Naalakkersuisoq

Ulloq: 25-05-2021
J.nr.: 01.31.06/21-00932

Aningaasaqarnermut Akileraartarnermullu Ataatsimiititaliap tallimangornermi ulloq 19. maj 2021-mi aalajangernera pillugu Naalakkersuisunut ilisimatitsissut

Kontumi pingaarnermi 86.60.01-imi, Peqqinnissaqarfik - Nuummi tarnikkut napparsimasunut illu, missingersuutitut sunniuteqanngitsumik nuussineq. Ataatsimiititaliap suliaa nr. 01.31.06/21-00932.

"Naalakkersuisut **inassutigaat**,

Konto pingaarneq 86.60.01 Peqqinnissaqarfimmi, suliniut nr. 060.46.021 Nuummi tarnikkut nappaatilinnut illu, aningaasaliissutit 2021-mi 8.000.000 kr.-nik **ilaneqassasut** aamma

Konto pingaarneq 86.60.01 Peqqinnissaqarfimmi, suliniut nr. 996.47.055 Sanaartugassat nutaat iluarsagassallu assigiinngitsut, aningaasaliissutit 2021-mi 8.000.000 kr.-nik **ilanngarneqassasut**"

Aningaasaqarnermut Ataatsimiititaliap oqaaseqaatai

Aningaasaqarnermut Ataatsimiititaliap Naalakkersuisunit inassuteqaammut tunngatillugu ima apeqqutissaqarpoq:

1. Tunngavissiami qupperneq 4-mi allassimavoq 'maanna tarnikkut nappaatilinnut illussamut pilersarusiornermut 21 mio. kr.-t atorneqareersut. Atuinerup taassuma kiisalu pilersarusiornermut taamak amerlaatigisunik atuisimanermut tunngavilersuutip itisilerneqarnissaat ataatsimiititaliamit kissaatigineqarpoq.
2. Ilassutitut aningaasaliissut Peqqinnissaqarfimmut aningaasaliissutitut kontuni missingersuutitut sunniuteqanngitsumik nuussinerusoq tunngavilersuummi allassimavoq. Akuersissuteqarnerulli matuma kinguneranik taamaatinneqartariaqartunik imaluunniit kinguartinneqartariaqartunik suliniuteqarnerusoq pillugu itisiliivigineqarnissaq ataatsimiititaliamit kissaatigineqarpoq?
3. Piffissaliinerup missingersuutillu nutaat naapertorneqarnissaat ataatsimiititaliamit naatsorsuutigineqarsinnaava?

Naggasiutigalugu ataatsimiititaliamit oqaatigineqassaaq, illoqarfiit pingaarnersaanni ujartuinerup qaffakkiartornera ilutigalugu nuna tamakkerlugu sanaartornermi sukumiinerusumik pilersarusiortoqarnissaa pisariaqartoq suliami matumani takutinneqartoq, pisortallu sanaartornernut aningaasartuutaasa amerliartornerat tamatuma nassatarigaa. Nuummi

aningaasartuutinik qaffaaneq Nuup avataani sanaartornermut aningaasaliissutit ikilinerannik nassataqartussaammat Aningaasaqarnermut Ataatsimiititaliap aningaasaliissutit sapinngisamik pitsaanerpaamik atorneqarnissaat siunertaralugu sammisaq siumut isigisumik qanimut malittariniarpaa.

Aningaasaqarnermut Ataatsimiititaliap aalajangiinera

Aningaasaqarnermut Akileraartarnermullu Ataatsimiititaliap siuliani allassimanageratut oqaaseqaateqarluni apeqquteqarlunilu Naalakkersuisunit inassuteqaatit **akuersissutigai**.

Ataatsimiititaliap sinnerlugu



Paneeraq Olsen

Aningaasaqarnermut Akileraartarnermullu Ataatsimiititaliami Siulittaasoq